



ТАРАҚИЁТ МЕЗОНЛАРИ

МАЪРИФАТЛИ ЖАМИЯТ ЯНГИ МАЪНАВИЙ МАКОН БАҒРИДА ШАКЛЛанади

(Иккинчи мақола)

Хар қандай тарақиёт, жамият ва инсонлар фаровонлиги давлат ва шахс ўртасидаги кучли ва мустақкам ишонч руҳига асосланиши лозим. Давлат ўз олдида қўйган катта мақсадларга жамият аъзоларини, алоҳида олинган шахсни ишонтира олмас экан, бундай жамият ва давлатда тарақиёт тўғрисидаги барча гаплар сафсатадан бошқа нарса эмас. Ўзаро ишонч, аввало, давлатнинг ўз фуқаролари олдида берган ваъдасининг устидан чиқшидир. Бироқ яқин ва узок тарихдан биламизки, давлат катта ваъдалар бериб, уни бажара олмай, халқ олдида юзи шувут бўлган ҳоллар кўп. Бунга яқин тарихимиз ҳам гувоҳ.



▶ Давоми 3-бетда

МУНОСАБАТ



СИФАТЛИ ТАЪЛИМ – МИЛЛИЙ ЮКСАЛИШИМИЗНИНГ ТАМАЛ ТОШИ

2022 йил сўнггида мамлакатимиз ижтимоий-сиёсий ҳаёти билан боғлиқ улкан тарихий воқеликнинг гувоҳи бўлдик. Бу ҳам бўлса, Президентимиз Шавкат Мирзиёевнинг Олий Мажлис ва Ўзбекистон халқига Мурожаатномасидир.

Мурожаатномани тинглаш, мазмун-моҳиятини теран мушоҳада қилиш жараёнида халқимиз ва Янги Ўзбекистоннинг ривожланиш истиқболи билан боғлиқ муҳим жиҳатлар яққол намоён бўлди. Унда баён этилган фикр-мулоҳазалар мамлакатимиз тарақиётини, халқимиз фаровонлигини янги босқичга кўтаришга қаратилган.

Шу боис, давлатимиз раҳбарининг навбатдаги Мурожаатномаси нафақат юртимиз жамоатчилиги, балки халқаро экспертлар, сиёсий арбоблар, хорижий ҳамкор ташкилотлар вакиллари томонидан ҳам юксак эътироф этилди.

▶ Давоми 2-бетда

БУНЁДКОРЛИК

ИНСОН ҚАДРИНИ УЛУҒЛАШНИНГ ЧИНАКАМ НАМУНАСИ

Бўка туманида сув тошқинидан зарар кўрган аҳоли янги хонадонларга кўчиб кирди

Табиий офатлар қутилмаганда содир бўлади. Ана шундай ҳодиса Бўка тумани ҳудудига катта талафот етказган эди. Гап шундаки, ўтган йилнинг 21 июнь кунига ўтар кечаси кучли ёғингарчиликдан юзага келган сув тошқини туфайли туман марказидаги бино ва иншоотлар, аҳоли яшаш хонадонлари жиддий зарар кўрди.

▶ Давоми 2-бетда

БУГУННИНГ ГАПИ

ҚИШНИНГ КУНИ ҚИРҚ ТУРЛИ

Аномал совуққа қай даражада тайёрмиз?

Ўтган йилнинг декабрь ойи бошида ёққан қор ва айниқса, қаттиқ совуқ барчамизни шошириб қўйди. Куз-қиш мавсумига тайёргарлик борасидаги камчиликларимиз кўришиб қолди. Шаҳару қишлоқларда аҳолига электр энергияси, газ етказиб беришда, иссиқлик таъминотида узилишлар кузатилди. Бу эса, ўз навбатида, жиддий ноқулайликларни келтириб чиқарди.

▶ Давоми 2-бетда



ИСЛОҲОТЛАР – АМАЛДА

САНОАТ ИНҚИЛОБИГА МУҲИМ ТИРГАКЛАР Олмаликда иқтисодиётимиз ривожига таянч асослар яратилмоқда

Яқинда оммавий ахборот воситаларида мамлакатимиз тоғ-қон саноатида дахлдор бир хабар тарқалди: Корея миллий ассамблеяси томонидан “Олмалик кон-металлургия комбинати” акциядорлик жамиятига 15 миллиард вон (12 миллион АҚШ доллари атрофида) микродоридаги грант ажратилиши бўйича қарор қабул қилинди.

▶ Давоми 4-бетда



МАЗКУР QR-КОДНИ СКАНЕР ҚИЛИШ ОРҚАЛИ ВИДЕОЛАВҲАГА ЎТИНГ.



ИЛМ-ФАН

АКАДЕМИК ҲАЛОЛЛИК

замонавий тамойиллар ва мақсадларга уйғун

Халқимиз орасида “иккита касб эгалари хато қилишга мутлақо ҳақли эмас” деган гап бор. Булар шифокорлар ва ҳуқуқшунослардир. Сабаби, шифокорлар хатога йўл қўйса, инсон соғлиғига ёки ҳаётига раҳна солиниши мумкин. Ҳуқуқшунослар адашса, бунинг оқибатлари ҳақида ҳатто тасаввур қилиш ҳам оғир.

▶ Давоми 5-бетда

УНУТМАС МЕНИ БОҒИМ

ҲОЖИ АБДУЛАЗИЗНИНГ танбури қаерда?

Дугор, танбур, сато каби торли мусиқа чолғу асбобларини маҳорат билан чалган мусиқачиларимиз бисёр. Улар орасида машҳур созанда ва бастакор Турғун Алиматовнинг ўрни алоҳида. Турғун ака ажойиб ижро услуби билан, хусусан, танбурнавозликда ўзига хос мактаб яратган. Танбур ижрочилигини мукамал ўрганиб, машҳур бўлишига Самарқанддаги бир воқеа ҳам сабаб бўлган.

... Турғун аканинг навқиронлик даври эди. “Сайқали рўйи замин”да биринчи

марта бўлиши. Юриб бораптию, ҳаёли миллий мусиқамиз даргаларидан бири Ҳожи Абдулазизда. Самарқанд эмасми, бетақдор хонанда ва мусиқорнинг она шаҳри. Ҳожи Абдулазиз марғуб ижровий талқинларни шу ерда кашф этган. Мақом йўлларида дурдона асарлар ижод қилиш билан бирга, бир неча жанрларнинг ноёб намуналарини “Шашмаком” таркибига киритган.

▶ Давоми 6-бетда

